

testibus conigerit, sed eo quod urget, et imminet, repleto, vel deposito iterum solita per testamenti factionem adimpleri. Et si quidem a testatore aliquid fiat testibus paulisper separatis, cum coram his facere aliquid naturale testator erubescat: iterum introductis testibus consequentia factionis testamenti procedere. Si tamen in quendam, vel quosdam testium aliquid tale contingat: si quidem ex brevi temporis intervallo necessitas potest transire: iterum eorumdem testium reversum expectari, et solennia peragi [sancimus.] Sin autem longiore spatio refectio fortuiti casus indigeat, [et] maxime si salus testatoris periclitantis imminet: tunc illo, vel illis testibus circa quos aliquid tale eveniet, separatis alios surrogari et ab eo, vel ab eis, tam testatorem, quam alios testes seiscitari, si ea, quae eorum praesentiam antecedunt, [omnia] coram his processissent. Et si hoc fuerit undique manifestum: jubemus, tunc eos, vel eum una cum aliis testibus ea quae oportet facere, etsi in medio subscriptiones testium jam fuerant subsecuta. Sic enim, et naturae medemur, et mortuorum elogium in suo statu facimus permanere. — § 1. Cum autem constitutione⁹⁷, quae de testamentis ordinandis processit, caveatur, quatenus septem testium praesentia in testamentis requiratur, et subscriptio a testatore fiat, vel ab aliquo pro eo, et constitutio sic edixit, octavo subscriptore adhibito: et quidam testamentum suum omne manu propria conscripsit, et post ejus literas testes adhibiti [suas] subscriptiones posuissent, aliaque omnia solenniter in testamento peracta sunt, et testamentum ex hoc dubitatur, an irritum factum esset: eandem constitutionem corrigentes sancimus, si quis sua manu totum testamentum, vel codicillum conscripserit, et hoc specialiter in scriptura reposuerit, quod haec sua manu confecit: sufficit ei totius testamenti scriptura, et non alia subscriptio requiratur [neque ab eo,] neque pro eo ab alio: sed sequantur hujusmodi scripturam, et literae testium, et omnis quae expectatur observatio: et sic testamentum validum, et codicillum, si quinque⁹⁸ testium literae testatoris scripturae coadunentur, in sua firmitate remaneant, et nemo callidus machinator hujusmodi iniquitatis in posterum inveniat. — Dat. 6 kal. april. Constantinop. LAMPADII ET ORESTIS VV. CC. COSS. 530.

29. Idem, A. Joanni P. P.
Jubemus, omnino testatorem⁹⁹, si vires habeat ad scribendum, nomen heredis, vel heredum in sua subscriptione, vel in quacunque parte testamenti ponere: ut sit manifestum, secundum illius voluntatem hereditatem esse transmissam. Sin autem forsitan ex morbi acerbitate, vel literarum imperitia hoc facere minime potuerit: testibus testamenti praesentibus, nomen, vel nomina heredis, vel heredum ab eo nuncupari¹⁰⁰, ut omnimodo sciant testes, qui sint scripti heredes: et ita certo heredis nomine successio procedat. Si enim talis est testator, qui neque scribere, neque articulate loqui potest: mortuo² similis est, et falsitas in elogis committitur. Quam, ut exul fiat a reprob. nostra, maxime in testamentorum confectione, cupientes, hanc edictalem legem in orbem terrarum ponimus. Quod si non fuerit observatum, et nomen heredis, vel heredum non fuerit manu testatoris scriptum: vel voce coram testibus nuncupatum: hoc testamentum [stare] minime patimur, vel in totum, si tota heredum nomina fuerint praetermissa: vel in ejus heredis institutionem, cujus nomen neque lingua, neque manus testatoris significavit. Sed ne aliqua forsitan oblivio testium animis incumbat, pluribus⁴ interdum nominibus [heredum] expressis: ipsi testes in suis subscriptionibus [cum testator haec non scripserit, sed nuncupaverit] eorum nomina subscribere non differant ad aeternam rei memoriam. Sin vero ipse testator in quacunque parte testamenti nomina heredum [sicut dictum est] scripserit: supervacuum est [postea] testes in sua subscriptione haec exprimeret: cum forsitan nec eos⁵ scire testator suos heredes voluerit, et semel causa ex ipsius testatoris scriptura apparat. Oportet enim omnimodo, vel ex literis testatoris, vel ex voce quidem testatoris, literis autem testium qui ad elogium conficiendum fuerint convocati, nomina manifestari heredum. Quemadmodum enim in elogio quod sine scriptura conficitur, necesse est testatorem voce⁶ exprimeret nomen, vel nomina heredum: ita, et in testamentis per scripturam conficiendis, cum ipse testator manu sua scribere heredes, vel noluerit, vel minime potuerit, voce tamen ejus eos manifestari oportet. Quae in posterum tantummodo observari censemus: ut quae testamenta post⁷ hanc Novellam nostri numinis legem conficiuntur, haec cum tali observatione procedant. Quod enim antiquitas peccavit⁸, quae praesentis legis inscia, pristina secuta

97. L. 21. vers. quod si literas, supr. eod. — 98. L. ult. § ult. infr. de codicillis. — 99. § 4. Inst. h. l. N. 66. c. 1. § 1. abrog. N. 139. c. 9. Auth. prox. — 100. L. 21. pr. D. qui testam. fac. poss. — 1. L. 7. in fin. D. de suppellect. leg. — 2. Vide tamen L. 15. vers. nec necessaria, supr. h. l. — 3. L. 15. D. qui testam. fac. — 4. Fac. L. 8. vers. deinde exprimitur, supr. tit. prox. — 5. L. 21. supr. h. l. — 6. L. 21. pr. — 7. L. 25. D. qui testam. fac. poss. — 7. L. 7. supr. de legib. — 8. N. 66. c. 1. § 1. — 9. L. 25. § 1. D. de liberal. legat. L. 1. § 8. D. si tab. testam. nullae ex tab. — 10. L. 22. § 5. D. qui testam. fac. poss. — 11. L. 1. § 10. § ult. D. de bonor. posses. soc.

est observationem? Scituris, et tabellionibus, et his, qui conficienda testamenta procurant, quod si aliter facere ausi fuerint, poenam falsitatis non evitabunt, quasi dolose in tam necessaria causa versati. — Dat. kal. Mart. Constantinop. post consulatum LAMPADII ET ORESTIS VV. CC. 531.

In AUTHENT. ut sponsa larga, § Quia vero, coll. 9, tit. 2, Novell. 119, cap. 9.

Et non observato eo, subvenitur testamentis, sive per se, sive per alium quis inscribat nomen heredis.

30. Idem, A. Joanni P. P.
Nostram provisionem, maxime circa ultima elogium defunctorum, nunc [etiam] extendi properamus. Unde cum invenerimus quasdam controversias veteribus juris interpretatoribus exortas, propter testamentum, quod legitimo modo conditum, septemque testium signa habens, postea fortuito casu, vel [per] ipsius testatoris operam lino toto, vel plurima ejus parte incisa, in ambiguitatem incidit: solitum ei praebemus remedium, sancientes, si quidem testator linum⁹, vel signacula¹⁰ incidit, [vel abstulerit,] utpote ejus voluntate¹¹ mutata, testamentum non valere. Sin autem ex alia quacunque causa hoc contigerit: durante testamento scripto [heredes] ad hereditatem vocari, maxime cum nostra constitutio, quam pro tuitione testamentorum promulgamus, testatorem disposuerit, vel sua manu¹² nomen heredis scribere, vel si imperitia literarum, vel adversa valetudine, seu alio modo hoc facere non possit: testes ipsos audito nomine heredis, sub praesentia ipsius testatoris nomen heredis suis subscriptionibus declarare. — Dat. 15 kal. novemb. Constantinop. post consulatum LAMPADII ET ORESTIS VV. CC. 531.

31. Idem, A. Joanni P. P.

Et ab antiquis legibus, et a diversis retro principibus¹³ semper rusticitati¹⁴ consultum est, et in multis legum subtilitatibus stricta observatio eis remissa, quod ex ipsis rerum invenimus documentis. Cum enim testamentorum ordinatio sub certa definitione legum instituta sit: homines rustici, et quibus non est literarum peritia, quomodo possunt tantam legum subtilitatem custodire in ultimis suis voluntatibus? Ideoque ad Dei humanitatem respicientes, necessarium duximus per hanc legem eorum simplicitati subvenire. Sancimus itaque, in omnibus quidem civitatibus, et in castris orbis romani, ubi et leges nostrae manifestae sunt, et literarum viget scientia: omnia quae in libris nostrorum Digestorum seu Institutionum, et imperialibus sanctionibus, nostrisque dispositionibus in condendis testamentis cauta sunt, observari, nullamque ex praesenti lege fieri innovationem. In illis vero locis¹⁵, in quibus raro inveniuntur homines literati, per praesentem legem rusticianis concedimus antiquam eorum consuetudinem¹⁶ legis vicem obtinere: ita tamen, ut ubi scientes literas inventi fuerint: septem testes (quos ad testimonium convocari necesse est) adhibeantur, ut unusquisque pro sua persona subscribat. Ubi autem¹⁷ non inveniuntur literati, septem testes etiam sine scriptura testimonium adhibentes admitti. Sin autem in illo loco minime inventi fuerint septem testes: usque ad quinque modis¹⁸ omnibus testes adhiberi jubemus: minus autem nullo modo concedimus. Si vero unus, aut duo, vel plures fuerint literati, liceat eis pro ignorantibus literas, praesentibus tamen subscriptionem¹⁹ suam interponere: sic tamen, ut ipsi testes cognoscant testatoris voluntatem: et maxime quem, vel quos heredes sibi relinquere voluerit: et hoc post mortem testatoris jurati deponant. Quod igitur quisque rusticorum (sicut praedictum est) pro suis rebus disposuerit, hoc omnimodo, legum subtilitate remissa, firimum validumque consistat. — Dat. 5 non. Jul. Constantinop. DN. JUSTINIANO A. 4 ET PAULINO V. C. COSS. 534.*

TIT. XXIV.

DE HEREDIBUS INSTITUENDIS ET QUAE PERSONAE HEREDES INSTITUI NON POSSUNT.

1. Imp. TITIUS AELIUS ANTON. A. Antestiano.
Qui deportantur², si heredes scribantur, tanquam³ peregrini⁴ capere

tab. — 12. L. 29. supr. h. l. — 13. L. pen. supr. qui admitti ad honor. posses. — 14. L. 5. § 29. D. de SC. Silan. — 15. N. 75. c. 9. vers. hanc autem. — 16. L. 1. infr. qui sit longa consuet. — 17. N. Leon. 41. 45. in fin. — 18. Abrog. de N. Leon. 41. 45. in fin. — 19. Abrog. N. Leon. 42. Tit. XXIV. — 1. Lib. 28. D. 5. lib. 2. Inst. 31. — 2. Vide tamen L. 15. § 1. D. de testam. milit. — 3. L. 6. § 2. D. h. l. — 4. L. 10. § 6. D. de in jus voc. L. 1. § 2. § 3. D. de legat. 3. fac. L. 17. § 1. D. de pign. — 4. d. l. 1. § 2. § 3. L. 53. D. de iure licti, aucta Auth. omnes percipiant. infr. con. mod. de success.

non possunt, sed hereditas in ea causa est, in qua esset, si scripti non fuissent. — Sine die et consule.

2. Imp. ANTONINUS A. Caetilio.
Pater tuus, si ex residua parte heres institutus est, quam alter heres scriptus capere⁵ non poterat, isque ad nullam partem hereditatis per conditionem suam admitti potuit: ex asse⁶ heres extitit: nam residui⁷ commemoratio etiam totum admittit. — P. P. 15 kal. Julii, Romae, DUBOS ET ASPRIS COSS. 215.

3. Imp. ALEXAND. A. Vitali militi.
Cum proponas Alexandrum equitem testamento primo loco Julianum⁸, ut libertum suum heredem instituisse, eique substituisset his verbis, quod si ex aliqua causa primus heres hereditatem meam adire noluerit, vel non potuerit: tunc in locum ejus secundum heredem substituo Vitalem: post mortem autem testatoris Julianum servum communem fuisse defuncti militis, et Zoili fratris ejus apparuerit: an tu ex substitutione admittaris, voluntatis est questio. Nam si credens eum proprium, et suum libertum heredem instituit, nec per eum ad alium quemquam hereditatem pertinere voluit, extitit conditio substitutionis: tibi que hereditas delata est. Quod si verba substitutionis subscriptae ad jus retulit, ut si nec per semetipsum alium feisset heredem (potuit⁹ enim, quamvis jubente domino, nolle adire) ita demum substitutus vocaretur, si tamen paruerit domino, et adierit, substitutionis locus non est. — P. P. 6 kal. Maji, MAXIMO 2 ET AELIANO COSS. 224.

4. Imp. GORDIANUS A. Ulpio.
Si pater tuus eum quasi¹⁰ filium [suum] heredem instituit, quem falsa opinione ductus suum esse credebat, non institutus, si alienum nosset, isque postea subditus esse ostensus est: auferendam¹¹ ei successionem, divorum Severi et Antonini placitis continetur. — P. P. pridie non. octob. Pio ET PONTIANO COSS. 259.

5. Idem, A. Cassiano.
Non ideo minus uxor tua iure heres videtur instituta, quod non uxor, sed affinis¹² testamento nominata est. — P. P. 3 kal. octob. GORDIANO A. 2 ET POMPEIANO COSS. 242.

6. Imp. PHILIPPUS A. ET PHILIPPUS C. Antonio.
Si compensandi debiti¹³ gratia uxor maritum fecit heredem: desiderio tuo praeter portionem hereditatis debitum [quoque] restitui postulantis, non tantum juris severitas, verum etiam defunctae voluntas refragatur. — P. P. kal. Mart. PRESENTE ET ALBINO COSS. 247.

7. Imp. DIOCLETIANUS ET MAXIMIANUS AA. Pizoni.
Nec apud peregrinos fratrem [sibi] quisquam per adoptionem facere poterat. Cum igitur, quod patrem tuum voluisse facere dicis, irritum sit, portionem hereditatis, quam is, adversus quem supplicas, velut adoptatus frater heres institutus tenet, restitui [tibi] praes provinciae cura habeat. — P. P. 3 non. dec. DIOCLETIANO 2 ET ARISTOBULO COSS. 285.

8. Idem, AA. Hadriano.
Collegium, si nullo speciali¹⁴ privilegio subnixum sit, hereditatem capere non posse dubium non est. — P. P. 10 kal. Jun. ipsis 4 ET 5 AA. COSS. 290.

9. Idem, AA. ET CC. Julia.
Extraneum etiam, cum [quis] moretur, heredem scribi [sibi] placuit. — P. P. 16 kal. novemb. SIMMII, AA. COSS. 295.

10. Idem, AA. ET CC. Aselepiadae.
Neque per se heredes institutos, quibus hoc concessum non est, neque per servos¹⁶ proprios hereditatem posse querere, juris dicta ratio. — S. 16 kalend. septemb. SIMMII, CC. COSS. 295.

11. Imp. THEODOS. ET VALENT. AA. Hierio P. P.
Extraneum etiam penitus ignotum¹⁷ heredem quis instituire potest. — Dat. 11 kal. Mart. CONSTANTINOP. FELICE ET TAURO COSS. 428.

12. Imp. LEO A. Frythrio P. P.
Hereditatis, vel legati, seu fideicommissi, aut donationis titulis domus, aut annonae civiles, aut quaelibet adificia, vel mancipia, ad jus inclityae

5. L. 78. in fin. D. h. l. — 6. d. l. 78. l. 79. l. 80. D. eod. — 7. L. 95. l. 160. D. de verb. sign. — 8. L. 7. supr. l. 15. § 3. D. de testam. milit. — 9. Immo vide L. 21. infr. de iure delib. — 10. L. 5. supr. de testam. l. 1. § 1. D. h. l. — 11. L. 46. pr. D. de iure licti. l. 16. pr. D. de his que ut indigni. — 12. Adde L. 6. supr. de testam. l. 1. § 1. D. de condic. caus. data. — 13. Vide enim L. 7. supr. de negot. gest. l. 6. supr. de hered. act. l. 7. infr. de bon. auctior. jud. eod. l. 55. D. de legat. 2. l. 12. D. ad leg. Falcid. l. 20. D. de condit. instit. — 14. L. 5. § 1. D. de colleg. hile l. 1. § 1. § 2. D. quod cuiusque univers. — 15. Adde L. 1. § 18. § 19. D. de collatione. — 16. L. 54. pr. D. h. l. § 2. 4. Inst. de hered. qual. et differ. — 17. § ult. Inst. h. l. — 18. L. 75. in fin. D. de legat. 1. l. 26. D. ad SC. Trebell. — 19. L. 35. pr. D. h. l. l. 16. § 2. D. ad SC. Treb. — 20. Immo vide L. 1. § 4. D. h. l.

urbis¹⁸, vel alterius cujuslibet civitatis pervenire possunt. — Dat. 5 kal. Mart. MARTIANO ET ZENONE COSS. 469.

13. Imp. JUSTINIANUS A. Mennae P. P.
Quotiens certi quidem ex certa re¹⁹ scripti sunt heredes, vel certis rebus pro sua institutione contenti esse jussi sunt, quos legatariorum²⁰ loco haberi certum est: alii vero ex certa parte, vel sine parte, qui pro veterum legum tenore ad certam unciarum institutionem referuntur: eos tantummodo omnibus hereditariis²¹ actionibus uti, vel conveniri decernimus, qui ex certa parte, vel sine parte scripti fuerint, nec aliquam deminutionem earundem actionum occasione heredum ex certa re scriptorum fieri. — Dat. 8 id. april. Constantinop. DECIO V. C. COSS. 529.

14. Idem, A. Joanni P. P.
Cum in libris Ulpiani, quos ad Masurium Sabinum scripsit, talis species relata sit, haec apertius expedire nobis visum est. Quidam testamentum faciens ita instituit, Sempronius Plotii²² heres esto: veteres quidem existimabant, errorem nominis esse, et sic institutionem valere, quasi testator Plotius nominaretur, et Sempronium [sibi] scripsisset heredem. Sed hujusmodi sententiam crassio rem esse existimamus: neque enim sic homo supinus, imo magis stultus invenitur, ut suum nomen ignoret: sed si quidem ipse testator Plotio cuidam heres extitit: manifestum est sibi Sempronium heredem instituisse, ut per mediam ipsius testatoris personam Plotii heres efficiatur. Et hoc argumentum ex antiqua regula, quae voluit heredem heredis²³, [testatoris] esse heredem. Sin autem nihil tale factum est, supervacuum et inanem hujusmodi institutionem esse: nisi prius herede Plotio sibi instituto, sic addecerit, Sempronius Plotii heres esto: tunc etenim existimandum est eum dixisse, si non Plotius heres sibi fuerit, tunc Sempronium in totum partemque Plotii ex substitutione vocari: ita ut ex consequentia verborum Plotius quidem institutus, Sempronius autem substitutus inveniat. Sin autem, neque ipse testator Plotio heres extitit, neque Plotium heredem antea scripsit, et sic Sempronium Plotio heredem esse voluit: nullius esse momenti talem institutionem, cum non est verisimile, in suum nomen [quemquam] errasse. — Dat. 5 kal. August. post consulatum LAMPADII ET ORESTIS VV. CC. 534.

TIT. XXV.

DE INSTITUTIONIBUS ET SUBSTITUTIONIBUS, ET RESTITUTIONIBUS SUB CONDITIONE FACTIS.

1. Imp. SEVERUS ET ANTONINUS AA. Alexandro.
Cum avum maternum ea conditione filiam tuam heredem instituisse proponas, si Anhylli filio nupsisset, non prius eam heredem existere, quam conditioni paruerit, aut Anhylli filio recusante², matrimonium impeditum fuerit, manifestum est. — 1. P. kal. octob. ANULINO ET FRONTONE COSS. 200.

2. Imp. ANTONINUS A. Cassia.
Conditioni³ sub qua testamento matris tuae heres instituta es, si non paruisti: locum habet substitutio. Nec enim videri potest sub specie turpium⁴ nuptiarum viduitatem tibi indixisse, cum te filio sororis suae consobrinio⁵ tuo probabili consilio matrimonio jungere voluerit. Nec extraordinario auxilio indiges: cum ex his [precibus,] quas libello complexa es, declaratur, non per eum⁶ stetisse, quominus supremam voluntati matris tuae testatrix satisficeret. — P. P. 8 id. Mart. Romae, ANTONINO A. 4 ET BALBINO COSS. 214.

3. Idem, A. Maxentio et alius.
Si mater vos sub conditione emancipationis⁷ heredes instituit, et prius quam voluntati defunctae pareretur, sententiam [deportationis] pater meruit⁸, vel aliter defunctus est: morte ejus, vel alio modo patria potestate liberati, jus adeundae hereditatis cum sua causa quaesistis. — S. prid. kal. Maji, SABINO ET ANULINO COSS. 217.

4. Imp. ALEXANDER A. Aemiliano.
Si pater filium, quem in potestate habebat, sub conditione, quae in ipsius potestate⁹ non erat, heredem scripsit; nec in defectum ejus exhibere

21. L. ult. supr. de hered. act. — 22. L. 76. § 1. D. de legat. 2. — 23. L. 7. in fin. D. de acquir. vel omit. hered. l. 194. D. de reg. jur.

Tit. XXV. — 1. Lib. 28. D. 7. — 2. L. 1. infr. de his que sub modo: l. 51. D. de condit. et demonstr. l. 161. D. de reg. jur. — 3. L. 1. supr. h. l. — 4. L. 65. § 1. D. de condit. et demonstr. — 5. Confer. L. pen. § 1. D. de ritu nupt. — 6. L. 1. in fin. supr. h. l. — 7. L. ult. infr. de donat. que sub modo: l. 70. D. de condit. et demonstr. — 8. Adde L. 44. D. de iure dot. l. 11. § 11. D. de legat. 3. l. 15. D. quando dies legat. l. 22. pr. D. ad SC. Trebell. l. 1. Inst. quib. mod. jus nat. potest solvi. — 9. L. 4. D. de hered. inst. l. 15. D. de condit. instit. l. 85. D. de condit. et demonstr. l. 20. § 4. vers. existimo, D. de bon. libet.

